

典
禮
備
要

下
冊



典禮備考卷四

涪州 雜

祀典下

關帝廟

禮部則例一凡直省俱設立

關帝廟每歲春秋仲月諏吉雍正三年定及五月十三日順治

元年府州縣均致祭前殿以地方正印官主祭後殿

以丞史將事執事以禮生祭日陳設牲牢器數及迎

神上香奠獻讀祝迎神視燎儀注均與

京司祭儀同

順治元年

典禮備考

卷四 祀典下

封忠義神武

乾隆三十二年

加封靈佑

嘉慶十九年

加封仁勇

咸豐二、三、六、七年

加封護國保民精誠綏靖七年

御書萬世人極匾額

諭旨摹勒頒發各直省

關帝廟一體懸挂



咸豐三年十一月二十四日內閣奉

上諭禮部等衙門議奏

關帝升入中祀禮節一摺我朝尊崇

關帝祀典攸隆仰荷 神威曩昭顯佑本年復加崇

封號並升中祀茲據禮部等衙門詳覆禮節謹擬具奏

著照所議自明年春祭爲始悉照中祀禮舉行樂用六

成舞用八佾以昭崇奉而答 神庥餘依議欽此

咸豐三年議准 節錄直省遵行

一致祭前期齋戒二日 齋戒日各佩齋戒牌不理

刑名不宴會不作樂不入內寢不問疾弔喪不飲酒

典禮備要

卷四 祀典下

二

茹暈不祭神不掃墓有疾有服者勿與 一齋戒期

內適遇素服日期承祭官及執事陪祀人員常服掛

朝珠無執事不陪祭人員仍穿素服 一五月十三

日告祭

關帝廟承祭遣官祀前致齋一日不作樂不撤饌供品

鹿兔果酒其餘禮節與春秋二季禮同 一後殿各

事宜均照舊例惟五月十三日告祭禮節供品與

前殿同 一前殿位前邊豆案一陳設爵墊三爵三

鐙一銅二簋二盞二盞十豆十俎共一內陳牛一羊

一豕一香案陳銅鑪一香靠其實炭 一銅燭台二

上設六兩重黃蜡二枝

遣官行禮禮節

祭日承祭官穿朝服豫在遣官房候至時導引官二員引承祭官至 二門外贊引官對引官接引承祭官入 二門至盥洗處贊盥洗承祭官盥洗畢引承祭官由 殿左階至丹陛上正中行禮處立典儀官唱樂舞生就位執事官各司其事陪祭官各就位贊引官贊就位承祭官就位立典儀官唱迎 神司香官捧香盒就前向上立唱樂官唱迎 神樂作贊引官贊就上香位引承祭官進 殿左門至 神位

典禮佈要

卷四

祀典下

三

前立司香官豫跪贊引官贊跪承祭官跪贊上香承祭官先舉炷香安香靠內次三上瓣香畢興贊引官贊復位引承祭官至原行禮處立贊跪叩興承祭官行三跪九叩禮興樂止典禮官唱奠帛爵行初獻禮奉帛爵官各奉帛爵就前向上立唱樂官唱初獻樂作奉帛官就案前跪奠帛於案正中三叩退奉爵官立獻於案爵埜正中退讀祝官就讀祝案前跪三叩恭奉祝文至案左先跪樂暫止贊引官贊跪承祭官跪典儀官唱讀祝讀祝官讀祝畢恭奉祝文至 神位前跪安於帛匣內三叩退樂復作贊引官贊叩興

奠帛初獻 翊平之章

英伏風伏颯伏兮伍 神伍格伍思伍 紛伏綺伏

蓋伍兮伍龍伏旗伏 斝伏桂伏醕伍兮伍盃伍卮伍

化伍香伏始伏升伍兮伏明伏粢伏 惟伍降伍鑿伍

伏兮伍在伏茲伍 流伏景伏祚伍兮伍翊伏昌伏

時伏

亞獻 恢平之章

觴伏再伏酌伏兮伍告伏虔伍 舞伏干伏戚伍兮伍

仕合伏宮伍懸伏 歆伍苾伍芬伏兮伍潔伍蠲伍

扇伏巍伏顯伍翼伍兮伍神伏功伏宣伏

典禮輯要

卷四 禮典下

五

終獻 靖平之章

鬱伏鬯伏兮伍三伍申伍 羅伏籩伏簋伍兮伍畢伍

伏陳伏儀伏卒伍度伍兮伏肅伏明伏禋伍 神伍

伍降伏福伍兮伍宜伏民伏宜伏人伏

徹饌 奠平之章

物伏惟伏備伍兮伍咸伏有伏 明伍德伍惟伍馨伍

伏兮伍神伏其伍受伏 告伏徹伍兮伍禮伍終伍

罔伏咎伏 佑伏我伍家伍邦伍兮伍孔伏厚伏

送神 康平之章 其一

幢伏葆伏歲伏蕤伍兮伍神伍聿伍歸伍 馭伏鳳伏

伍 軫 伏 兮 伏 駿 伍 虬 伏 駢 伏 降 伏 烟 伍 燼 伍 兮 伏

餘 伍 粉 伏 醜 伍 願 伏 回 伏 靈 伍 盼 伍 兮 伏 德 伏 洽

伏 明 伏 威 伏

望 燎 康 平 之 章

焄 伏 蒿 伏 烈 伏 兮 伍 燎 伏 有 伏 輝 伍 神 伍 光 伍 遙

伍 燭 伏 兮 伍 祥 伏 雲 伍 霏 伏 祭 伏 受 伍 福 伏 兮 伏

茂 伏 典 伏 無 伍 違 伍 庶 伏 揚 伏 駿 伍 烈 伏 兮 伍 永

伏 奠 伏 亶 伏 畿 伏

秋 祭 樂 章 秋 南 呂 清 均 仲 呂 起 調 簫 伏 除 伍

笛 伍 除 伍

典 禮 輯 要 卷 四 祀 典 下

六

迎 神 格 平 之 章

懿 伏 鏢 伏 兮 伍 焜 伏 煌 伍 神 伏 威 伏 靈 伍 兮 伏 赫

伏 八 伏 方 伏 偉 伍 烈 伏 昭 伏 兮 伍 累 伏 禎 伍 祀 伏

事 伏 明 伏 兮 伏 永 伏 光 伏 達 伏 精 伏 誠 伏 兮 伍 黍

伏 稷 伍 馨 伏 香 伏 儼 伏 如 伍 在 伏 兮 伍 洋 伏 洋 伏

奠 帛 初 獻 翊 平 之 章

英 伏 風 伏 颯 伍 兮 伏 神 伏 格 伏 思 伏 紛 伏 綺 伏

蓋 伏 兮 伏 龍 伏 旗 伍 對 伏 桂 伏 醋 伏 兮 伏 盈 伏 卮

伏 香 伍 始 伏 升 伏 兮 伍 明 伏 棗 伍 惟 伏 降 伏 鑿

伏 兮 伏 在 伏 茲 伏 流 伏 景 伏 祚 伏 兮 伏 翊 伍 昌 伏

時伏

亞獻 恢平之章

觴伏再伏酌仕兮伏告伏虔伏舞伏干仕戚伏兮

伏合伏宮伏懸仕歆伏苾伏芬伏兮伏潔伏蠲伏

扇伏巍伏顯伏翼伏兮伏神仕功伏宣伏

終獻 靖平之章

鬱伏鬯伏兮仕三伏申伏羅伏籩伏簋伏兮伏畢

伏陳仕儀伏卒伏度伏兮仕肅伏明仕禮伏神

伏降伏福伏兮伏宜伏民仕宜伏人伏

徹饌 羹平之章

典禮輯要

卷四 祀典下

七

物伏惟伏備伏兮仕成伏有仕明伏德伏惟伏馨

兮伏神伏其伏受仕告伏徹伏兮伏禮伏終伏

罔伏咎伏佑伏我伏家伏邦伏兮仕孔伏厚伏

送神 康平之章 其一

幢伏葆伏葳仕蕤伏兮伏神伏聿伏歸伏馭伏

鳳伏軫伏兮仕駿伏虬伏駢仕降伏烟伏爨伏兮

伏餘伏飴伏醑伏願伏回伏靈伏盼伏兮伏德伏

洽伏明伏威伏

望燎 康平之章 其二

焄伏蒿伏烈仕兮伏燎伏有仕輝伏神伏光伏遙

供燭供兮供祥供雲供霏供祭供受供福供兮供

茂供典供無供違供庶供揚供駿供烈供兮供永

供奠供在供臺供畿供

關帝廟春秋二祭祝文

惟

神星日英靈乾坤正氣允文允武紹聖學於千秋至大
至剛顯神威於六合仰聲靈之赫濯崇典禮於馨香
茲當仲春秋用昭時饗惟祈昭格克鑒精虔

五月十三日告祭祝文

惟

典禮輯要

卷四

祀典下

八

神九宇承庥兩儀合撰崧生嶽降溯誕聖之靈辰日午
中天屆恢台之令節聰明正直一者也千秋微脍饗
之隆盛德大業至矣哉六幕肅馨香之薦爰循懋典
式展明禮苾芬時陳精誠鑒格尙饗

咸豐四年奉文知照禮部咨行各直省主事及執事
人員均照中祀一體辦理

禮部則例同日祭 後殿每位前各設一案每案陳

羊一豕一釧二簠簋各二邊豆各八鑪一鐙二殿中

設一案少西北向供祝版東西各設一案分陳禮神

制帛三色香盤三尊三爵九俎篚罍勺具設洗於後

垣門內甬道東承祭官位殿檐下正中司祝司香司
帛司爵典儀掌燎各以其執爲位如常儀質明承祭
官由前左門入後垣中門盥手升階就位迎 神引
詣正位前上香畢以次詣左右位前上香復位行二
跪六叩禮初獻讀祝如儀餘儀均如 前殿

雍正三年議准

關帝三代封爵

曾祖

關光昭公

祖裕昌公

父成忠公

咸豐五年內閣奉

上諭太常寺奏遵查

關帝先代封爵應否推崇加封請

旨一摺前以

典禮備考

卷四

禮典下

九

關帝神威顯佑特加封號並升入中祀茲據太常寺查
明

關帝先代封爵並應否援照 文廟崇聖祠加封請

旨定奪自應敬謹加封以示尊崇

關帝

曾祖光昭公著加封爲光昭王

祖裕昌公著加封爲裕昌王

父成忠公著加封爲成忠王所有應辦事宜著該衙門
查例具奏欽此

禮部准太常寺知照覆奏牲牢酒醴邊豆簠簋一切

祭品均與 文廟崇聖祀同

春秋二祭祝文

惟

王世澤覃麻令儀裕後靈鍾河嶽篤生神武之英誠湖淵源宜切尊崇之報班爵超躬枉而上升香肅俎豆

之陳茲際仲春爰修祀事尙祈昭鑒式此苾芬

五月十三日告祭祝文

惟

王迪德承家累仁昌後崧生嶽降識毓聖之有基木木

水源宜推恩之及遠封爵特超於五等馨香永薦於

典禮備要

卷四 禮典下

十

千秋際仲夏之屆時命禮官而將事惟祈昭格鑒此精虔

文昌廟

禮部則例 一凡直省春秋致祭

文昌廟均與 關帝廟祭儀同謹案嘉慶六年五月遵

旨奏准致祭

文昌帝君仿照 關帝定制列入祀典定以二月初三

日聖誕爲春祭秋祭另行擇吉一切儀注祭品等項

均照 關帝典禮其各直省春秋致祭之處亦照

關帝之例由該地方官敬謹致祭

咸豐六年十一月十一日內閣奉

上諭嘉慶六年欽奉

諭旨

文昌帝君主持文運福國佑民崇正教闢邪說靈蹟最著海內崇奉與關聖大帝相同允宜列入祀典用光文治當經禮部大常寺奏准一切禮節祭品均與關帝廟同現在關聖帝君已升入中祀

文昌帝君應一體升入中祀以昭誠敬一切典禮著該衙門妥議具奏欽此

二十六日內閣抄出奉

典禮備考

卷四 祀典下

十一

上諭禮部等衙門奏遵議

文昌帝君升入中祀典禮開單呈覽一摺

文昌帝君升入中祀前期一日著遣親郡王行告祭禮

春秋二季俱著卜吉舉行二月初三日

聖誕卽照關帝聖誕點香禮節並毋庸禁止屠宰一

切禮儀祭品樂章祝文均著照所議備辦應行酌改工程及預備各項著工部於明年春秋前趕緊辦齊以昭誠敬欽此

咸豐七年涪州奉文知照禮部咨行各直省主祭及

執事人員均照中祀一體辦理

遣官行禮禮節

祭日承祭官朝服豫在遣官房候屆時導引官二員
引承祭官至

魁星殿外贊引官對引官接引承祭官由東角門入至
盥洗處贊盥洗承祭官盥洗畢引承祭官至 殿階
下正中行禮處立典儀官唱樂舞生就位執事官各
司其事陪祭官各就位贊引官贊就位承祭官就位
立典儀官唱迎 神司香官捧香盒就前向上立唱
樂官唱迎 神樂作贊引官贊就上香位引承祭官
進 殿左門至 神位前立司香官豫跪贊引官贊

典禮備考

卷四

祀典下

七

跪承祭官跪贊上香承祭官先舉炷香安香靠內次
三上瓣香畢興贊引官贊復位引承祭官至原行禮
處立贊跪叩興承祭官行三跪九叩禮興樂止典儀
官唱奠帛爵行初獻禮奉帛爵官各奉帛爵就前向
上立唱樂官唱初獻樂作奉帛官就案前跪奠帛於
案正中三叩退奉爵官立獻於案爵墊正中退讀祝
官就祝案前跪三叩恭奉祝文至案左先跪樂暫止
贊引官贊跪承祭官跪典儀官唱讀祝讀祝官讀祝
畢恭奉祝文至 神位前跪安於帛匣內三叩退樂
復作贊引官贊叩興承祭官行三叩禮興樂止典儀

官唱行亞獻禮奉爵官奉爵就案前向上立唱樂官
 唱亞獻樂作奉爵官奉爵立獻於爵墊左退樂止典
 儀官唱行終獻禮奉爵官奉爵就案前向上立唱樂
 官唱終獻樂作奉爵官奉爵立獻於爵墊右退樂止
 典儀官唱徹饌唱樂官唱徹饌樂作徹畢樂止典儀
 官唱送 神唱樂官唱送 神樂作贊引官贊跪叩
 興承祭官行三跪九叩禮興樂止典儀官唱奉祝帛
 饌恭送燎位奉祝香帛饌官詣 神位前跪奉祝帛
 官三叩奉香饌官不叩各奉起依次送往燎爐贊引
 官引承祭官退至西旁立候祝帛饌香過畢仍引承
 祭官復位立樂作數帛官數帛贊引官贊禮畢仍引
 承祭官至原接引處導引官接引由原進門出樂止
 文昌廟樂章 春夾鐘清均 倍應鐘起調 秋南呂
 清均 仲呂起調

典禮輯要

卷四

祀典下

迎神 丕平之章

乘伏氣伏兮伏靈伍躔仕 翊伏文伏運伍兮仕赫

伍中伏天仕 蜺伏旌伏兮伏戾伏止伏 雕伏俎

仕兮伍告伍虔仕 迓伏神伏麻仕兮伍於伏萬伏

斯伏年伏

初獻 椒平之章

神伏之伏來伏兮伏邊伏篋伏式伏陳伏神伍之

格伏兮伏九伏筵伏式伏親伍極伏昭伏彰伏

兮伍靈伏貺伏致伏錫伏潔伍兮伏明伏禮伏

升伏香伍兮伍伊伏始伏居伏歆伍兮伍佑伍我

人伏民伏

亞獻 煥平之章

再伏酌伏兮伏瑤伍觴伏燦伏爛伏兮伏庭伏燎

伏之光伏申伏虔伏禱伏兮伍神伏座伏儼

伍陟降伏兮伍帝伏旁伏棗伏醴伏潔伏兮伍

齋伍邀伏將伏緩伏景伍運伍兮伏靈伏長伏

典禮輯要

卷四

禮典下

古

終獻 煥平之章

禮伏成伏三伏獻伍兮伍樂伏奏伏三伍終伏覃

伏敷元伏化伍兮伍繫伏神伏功伍馨伏香伏

達伍兮伍佇伏蠻伏通伏歆伍明伍德伏兮伍昭

伏察寅伏衷伏

徹饌 懿平之章

備伏物伏兮伏惟伍時伍告伏徹伍兮伍終伏禮

伏儀神伏悅伏懌伍兮伍鑿伏伊伏在伏茲伍垂

伍鴻佑伏兮伏累伏洽伏重伏熙伏

送神 蔚平之章

雲伏聯伏駕伏兮伏風伏旗伏招伏神伏之伏歸

伏兮伏天伏路伏遙伏瞻伏翠伏葆伏兮伏企伏

丹伏霄伏願伏迴伏靈伏眷伏兮伏福伏我伏朝伏

望燎

平

煙伏熅伏降伏兮伏元伏氣伏和伏神伏光伏燭

伍兮伏梓伏潼伏之伏阿伏化伏成伏耆伏定伏

兮伏藥伏弓伏戢伏戈伏文伏治伏光伏兮伏受

伏福伏則伏那伏

文昌帝君廟春秋二祭祝文

維

典禮備要

卷四 祝典下

五

神道闡苞符性敦孝友並行並育德侔天地以同流乃

聖乃神教炳日星而大顯仰鑒觀之有赫示明德之

惟馨茲當春用昭時高惟祈 歆格克鑒精虔

二月初三日告祭祝文

維

神功參橐籥撰合乾坤溯誕降之靈辰三台紀瑞慶中

和之令節九宇承暉若日月之有光明闡大文於孝

友如天地無不覆載感邇治於馨香爰舉上儀敬陳

芳薦精禋罔敷 神鑒式昭尙饗

後殿二月初三日告祭祝文

文昌帝君道備中和神超亭毒稟貽謀而允紹欽毓聖
之有基雲漢昭回際嶽降崧生之會馨香咸格興水
原本本之思式肇明禮用光彝典尙祈

神鑒宮此清芬

禮部則例謹案嘉慶六年太常寺奏准

文昌帝君三代姓名查無確據未便請加封號謹擬增

製 神牌一分牌面書

文昌帝君先代神位字樣

禮部則例同日祭後殿

典禮備考

卷四 祀典下

去

神位前設一案陳羊一豕一鴈二簋各二邊豆各
八鑪一鐙二迎 神上香行禮奠獻送燎儀節悉與
致祭 關帝後殿儀同

後殿原祝文 祭引先河之義禮崇返本之思矧夫
世德彌光賞延斯及祥鍾累代炯列宿之精靈化被
千秋緝人文之主宰是尊後殿用答前麻茲當仲
肅將時祀用申告潔 神其格歆尚饗

春秋

火神廟

歲以季夏月下旬三日致祭

祭品 羊一豕一果實五盤尊一饗三

儀注 主祭官蟒袍補服行二跪六叩禮迎神上香
奠帛讀祝三獻爵送神望燎告禮成退

祝文

雜

神德著離宮光昭午位廣陽亨之運象啟文明彰燮理
之能功參化育土以生而水以濟丙丁之大用常昭
府既修而事既和虞夏之九功惟敘麗茲萬物實賴
化成又我生民咸資利用仰邀神貺虔答鴻庥爰尊
祀事之儀式叶春禮秋嘗之典肅陳牲幣敬布几筵尚饗

龍神祠

典禮輯要

卷四 祀典下

七

歲春秋諏吉致祭

祭品 帛一羊一豕一果實五盤尊一爵三

儀注 與 火神廟同

祝文

雜

神德洋洋海澤潤蒼生允襄水土之平經流順軌廣濟
泉源之用膏雨及時績奏安瀾占大川之利涉功資
育物欣庶類之蕃昌仰藉神庥宜隆報章謹遵祀典
式協良辰敬布几筵肅陳牲幣尚饗

城隍廟

會典

朝賀

迎詔

救護

鄉飲酒

聖誕元旦冬至三大節朝賀禮

省會守土官豫於公所正中設

萬壽龍亭南向設香案於亭之南其日五鼓有司設燎於庭設鐙於門廡教授訓導二人糾儀學弟子員二人通贊二人引班階下東西班位皆文東武西立位東西面北上拜位北面東班西上西班東上重行異等糾儀官位班行之北通贊引班位糾儀官之南皆

典禮備要

卷五

朝賀

一

東西面夜漏未盡羣官朝服畢會公所質明引班引入至丹墀內東西序立通贊贊齊班引班分引至拜位前立贊進少進贊跪叩興羣官行三跪九叩禮畢引退若府不附省州縣不附府者均以正貳教職各一人糾儀學弟子員二人通贊引班在城文武官於公所按班行禮均如省會儀

迎詔禮

詔下直省之禮禮部按直省督撫駐劄之地行取閣部院寺筆帖式乘傳齎

詔前往頒布工部給龍旗繖仗前導所經府州縣五里

之內文武官朝服跪迎軍民仗道右候過省會有司預於公廡設屏南向屏前設

詔案又前設香案案東設臺階下爲文武官拜位文東

武西重行異等如朝賀儀

詳見三大節朝賀禮

紳士班於文官

之末耆老軍民集於武官之末皆北面宣 詔官一

人展 詔官二人立臺下西面通贊生立香案左右

引禮生立百官班位左右皆東西面

詔及郊守土官備龍亭旗仗出迎使者承

詔書以架奉陳龍亭內乘馬後隨鼓樂前導總督暨同

城文武大僚率所屬文武官朝服出迎道右跪候過

典禮備要

卷五

迎詔

二

興先至公廡門外序立紳士耆老軍民畢會

詔至門跪迎如初禮使者下馬從龍亭入眾隨之入使

者奉

詔書陳於案退立案東西面引禮生引羣官就位北面

立通贊贊跪叩興眾行三跪九叩禮贊宣

詔使者奉

詔授宣 詔官復位立宣 詔官跪接登臺展 詔官

二人從升均西面展

詔書宣讀訖復於案皆降眾聽贊復行三跪九叩禮如

初退使者以

詔書授督撫恭鑄膳黃頒學政鹽政織造管關兩司道
府轉頒所屬州縣衛將軍提鎮協將轉頒所屬營汛
至日宣布軍民

詔書膳黃至府州縣各官恭迎宣讀均與省會儀同
救護禮

救護儀江直省府州縣衛遇日月食各按欽天監推
定時刻分枝隨地救護省會於督撫署府州縣衛各
於公署均以督撫及正官一人領班行禮正副教職
二人糾儀學弟子員二人通贊二人引班陰陽官一
人報時至日陰陽官報初虧引衆官素服立拜位前
序班贊行三跪九叩禮畢班首官進至香案前三上
香畢復位皆跪執事奉鼓進跪於左班首官伐鼓三
聲儀門外金鼓振作仍按班更番上香更番祇立陰
陽官報復圓金鼓聲止衆行三跪九叩禮退
日食遇元日停止朝賀筵宴日食月朔官員俱常
服惟救護時素服

日月食過穿朝服之期初虧復圓俱穿素服行禮

鄉飲酒

古飲酒之禮有四一則三年賓興賢能簡不率教者
習鄉上齒飲酒一則鄉大夫飲國中賢者一則州長
春秋以禮會民射於州序因而飲之一則歲十二月
大蜡祭黨正以禮屬民飲酒於序以正齒位今所行
卽鄉大夫飲國中賢者之禮其義則尊讓潔敬以遠
鬪辨免人禍先禮後財則民敬讓尊長養老而孝弟
之行立所以感人心維風俗者典綦重也

典禮輯要

卷五

鄉飲酒

四

儀注

歲孟春望日孟冬朔日舉行鄉飲酒於學宮 京師
則禮部侍郎一人監禮順天府府尹爲主人直省州
縣則正印官爲主人以鄉之年六十以上德厚望重
輿論允協者一人爲賓其次一人爲介又其次爲眾
賓以士子中習禮者一人爲司正二人司籥二人贊
禮二人引禮一人讀律令僚佐皆與前期戒賓賓禮
辭許戒亦如之

右謀賓介 戒賓介

先一日司正率執事者詣講堂肄儀設監禮席次於

席東北面以教職監禮布賓席於堂西北南向主人席

於東南西向介席於西南東向衆賓之長三人席於賓西南向東上皆專席不屬衆賓席於西序東向僚佐席於東序西向皆北上司正席於主人之東北向設律令案一於主介間正中東西肆又設尊案一於序端南北肆樂部和聲署設樂懸於西階下如儀右陳設布席

屆日質明執事者入具饌設尊於案實酒於尊加罍勺觶爵在尊北讀律者奉律令陳於中案既辦禮部侍郎朝服詣學宮就次監禮主人率司正及僚屬咸

典禮輯要

卷五

鄉飲酒

五

朝服入乃速賓介主人立東階下西面僚佐序立於主人之後西面北上司正讀律令者立僚佐之南北面西上贊禮者一人立東階下又一人立序門之外均西面屆時賓介盛服至序立於序門外之右介居賓南衆賓居介南皆東面北上執事者以賓至告主人主人出迎賓西面揖賓介以下東面答揖主人入門左賓揖介介揖衆賓以次入門右當階主人揖及階揖賓皆答揖主人與賓讓升三讓賓三辭主人升賓乃升主人東階上賓西階上贊者贊拜主人北面再拜賓答拜與卽席主人降階延介揖讓升介升拜

如賓禮就位主人復揖衆賓衆賓以次皆揖主人三揖賓長三人各答一揖衆賓皆就位主人率僚佐以下咸就位

右迎賓介

贊禮者贊揚觶執事者引司正由東階升詣堂中北面立贊揖司正揖賓介以下答揖司爵詣酒尊所舉罍酌酒於觶進授司正司正揚觶而語曰恭維

朝廷率由舊章敦崇禮教舉行鄉飲非爲飲食凡我長幼各相勸勉爲臣盡忠爲子盡孝長幼有序兄弟翁忝內睦宗族外和鄉里無或廢墜以忝所生語畢贊

典禮輯要

卷五

鄉飲酒

六

者贊司正飲酒司正立飲畢以觶授執事者反於案贊揖司正揖賓介以下皆揖司正復位

右揚觶

贊讀律令引禮引讀律令者就中案前北面立賓介主人以聽贊咸起立族揖如司正揚觶禮乃讀律令曰律令凡鄉飲酒序長幼論賢良高年有德者居上其次序齒列坐有過犯者不得干豫違者罪以違制失儀則解揚者以禮責之讀畢復位賓主以下皆坐

右讀律令

贊者贊舉饌案執事者奉饌案於賓席次介次衆賓

主人以下徧舉訖贊獻賓主人起離席北面立司爵
詣酒尊所酌酒實爵授主人主人授爵詣賓席奠於
案稍退賓避席立於主人之左贊拜主人再拜賓答
拜皆復位立次獻介如獻賓之禮次獻眾賓之長者
三人每獻一人主人揖賓長避席答揖皆復位執事
者徧獻眾賓爵訖贊賓酢主人賓離席司爵酌酒授
賓賓受爵介及賓長咸離席從詣主人席前拜送爵
主人答拜如前儀復位皆坐

右獻賓賓酢主人

酒數行工升歌周詩鹿鳴之章卒歌笙奏

典禮輯要

卷五 鄉飲酒

七

御製補南陔詩辭曰我逝南陔言陟其岵昔我行役瞻望
有父欲養無由風木何補我逝南陔言陟其岵今我
行役瞻望有母母也倚廬歸則甯止南陔有筍籩實
包之孱孱孩提孰噢咻之慎爾溫清潔爾旨肴今爾
不養日月其愴

閒歌周詩魚麗之章笙奏

御製補由庚詩辭曰由庚便便東西朔南六符調燮八風

節宣由庚容容朔南西東維敬與勤百王道同由庚
廓廓東西南朔先憂而憂後樂而樂由庚恢恢南朔
東西皇極孰建惟德之依乃合樂歌周詩關雎之章

卒歌工告備出執事者行酒主賓以下飲無算爵

右樂賓

贊禮贊徹饌案衆起離席主人率僚屬在東西上賓介在西東上皆北面贊拜主人再拜賓介以下皆再拜賓降西階出介及衆賓從立庠門外之右東面北上主人降東階出僚屬從送賓於庠門外之左西面皆再拜興賓介退禮卒無愆禮部侍郎出主人率僚屬送於庠門外皆退

右徹饌賓出

直省府州縣鄉飲酒之禮以守牧令爲主人省會及

典禮輯要

卷五

鄉飲酒

八

監司分駢之地皆以監司視其禮儀注同前

會典

昏

官員昏禮

官員七品以上自昏及爲子孫主昏豫訪門第清白女年

齒相當者使媒氏往通言俟許男年十六以上女年

十四以上身及主昏者無芥以上服皆可行人下士庶人同

右議昏

納采誼日主人具書書辭隨宜後倣此請女爲誰氏出並問

生年月日別具昏者生年月日附於書使媒氏豫告

禮備要

卷六

昏

一

女家屆日風輿以子第一人爲介公服侍於廳事主

人公服奉書出西面授介再拜介避拜受書出如女

家其日女氏主人設案於廟灑掃廳事待賓亦使子

第一人爲擯公服以竣賓至擯告主人如賓服出迎

於門外揖入升堂賓左主人右入堂少深賓東面奉

書致詞從者陳禮物於庭主人北面再拜受書賓避

拜請退俟命擯揖賓欵於別室主人以書入詣廟陳

於案上啓櫝告事如常告儀乃具復書其女所出及

生年月日附於書擯延賓升堂主人奉書出西面授

賓再拜賓受書避拜授從者請退主人請醴賓賓禮

辭許饌者布席中堂賓東主西揖讓就坐進饌行酒
三巡賓興離席告退揖主人答揖送賓於門外如初
介還復命主人納書如授書儀醴介以家人之禮

右納采

納幣諏日具書備禮物一品章服一稱章如其品幣

表裏各七兩

以製衣服繪帛七兩

以製衫襖布七兩容飾合二

十事

釵鈿簪珥之屬二品至四品幣表裏各五兩繪帛五兩

布五兩容飾合十六事餘同一品五品至七品幣表

裏各三兩繪帛三兩容飾合十有二事餘同四品媒

氏預告女家屆日夙興主人遣使奉書

禮備要

卷六 昏

二

及禮物入女家女氏主人受書及禮物告廟具復書

授賓醴賓還復命主人禮介茲同納采

右納幣

昏期諏吉具書備禮物三品以上羊酒四品以下鵝

酒豫日主人遣使入女家女氏主人迎賓入賓致詞

請期主人辭遜賓乃奉書告期主人拜受具復書授

賓賓還復於主人皆如納幣儀

右請期

昏期前一日女家使人奉箕帚於婿室陳衾帷茵褥

器用具至日婿家筵室中位東西向別設案於牖下

陳壺一琖四合帔以備三酌之用設醮爵於堂下

之東壺琖具初昏壻公服竣於堂下有官者各以其

服若其子孫則攝盛三品以上攝五品服五品以上

攝七品服六品以下攝八品服儀從亦如之壻馬一

乘三燭馬婦輿一乘或車隨俗簪飾采絹垂流蘇五

品以上前後左右各二六品以下前二後二均竣於

門外主人公服出醮子若自主昏則以有服尊長醮後儼此位於堂東

西面昏者升自西階再拜執事者升授爵昏者跪受

卒爵反於執事者父命之迎應唯俯伏興降出乘馬

執事隨以雁儀從在前婦輿在後入女家其日女父

典禮輯要

卷六 昏

告於廟詞曰某之第幾女某將以今日歸某氏敢告

餘如常告儀還醮女於內堂父東母西姆相女具服

如飾服視壻之等出至父母前北面再拜侍者斟酒

醴女如父醮子儀父訓女以宜家之道毋為之整冠

裙申以父命女識之不唯壻既至主人迎於門外揖

讓入壻執雁從入至廳事主人東階上西面壻西階

上北面立奠雁再拜主人不答拜姆為女加景蓋首

出壻揖降女從主人不降送姆導女升輿三燭前輿

壻乘馬先俟於門婦至降輿壻導升西階入室踰闕

媵婦家送布壻席於東御壻家迎布婦席於西壻婦交拜

訖婦脫婦景媵御設匕箸醯醬罍掛婦就筵坐饌入
卒食媵取棐實酒醕罍御取棐實酒醕婦三酌用盃
卒醕罍出媵御施衾枕罍入燭出

右親迎

厥明婦夙興盥漱櫛總以棗栗服脩詣舅姑室姆入
設席於堂中爲位舅東姑西均南向舅姑卽席婦執
笄實棗栗升自西階北面拜奠於席舅坐撫之婦興
降階執笄實服脩升拜奠席姑坐撫之舅姑興入於
室

右婦見舅姑

典禮輯要

卷六 昏

四

婦具酒饌設匕箸醯醬行盥饋禮舅姑就坐婦奉饌
入獻舅姑視卒食乃酌酒醕舅姑送酒皆再拜舅姑
卒飲興乃共饗婦侍者布婦席於阼階上西向具酒
饌設匕箸醯醢舅姑於堂中臨之婦卒食姑醢之婦
拜受卒飲舅姑先降自西階婦降自阼階退饗婦送
者男於外女於內酬以布帛

右婦盥饋舅姑饗婦

三日婦見於廟厥明執事者設饌具主人啓櫝陳主
如常祭禮主人布席階下之東昏者在後主婦布席
階下之西婦在後各就位再拜主人升上香獻酒讀

告詞曰某之等幾子某今已昏畢率新婦見餘詞如
祭式俯伏興退立於東婦進當中階下北面再拜興
復位主人復位及主婦以下行再拜禮畢納主徹退
若同居有尊者婦見如見舅姑禮見夫之伯叔母與
見姑同答以肅拜見娣姒小姑以夫之齒原拜皆答
拜夫兄弟之子若女婦受拜答以肅揖

右廟見

廟見之明日昏者以贄視分所應用往見婦之父母主人

迎於門外揖讓入升堂奠贄壻北面再拜主人西面

答拜請見主婦主婦立於門內壻立於門外再拜主

典禮輯要

卷六 昏

婦門內答拜出主人醴以一獻之禮

右壻見婦父母

士昏禮八品以下官同

納采誦日具書媒氏告於女家主人使子弟一人為

介奉書入女氏女氏主人出迎賓揖讓入門升堂賓

東面致詞奉書主人西面受書再拜賓避拜請退俟

命主人使子弟待賓以書入告於寢如儀其復書出

投賓賓受書主人布席禮賓畢賓揖辭主人送之如

初介還復命主人拜受書禮介行家人禮誦日納幣

具書備禮物章服一稱八品以下官如其品士視九品布帛各五兩

容飾八事食品六器媒氏告於女家主人遣使奉書
物行禮女家受禮告寢復晝禮賓賓復主人均如納
采昏有日主人備鵝酒書昏期於東使媒氏奉如女
家告女氏主人報東授媒氏復昏前一日主人使人
以奩具張陳壻室至日壻家筵於室中位東西面別
以案陳合卺器設醮爵於堂東初昏壻攝公服筵於
堂下壻馬一乘二燭前馬婦輿一乘簪蓋前飾采絹
二筵於門外主人盛服醮子於堂東命之迎壻出乘
馬如女家雁及婦輿從其日女氏主人告於寢如儀
畢主人位內堂東主婦位內堂西父醮女如壻儀壻

典禮輯要

卷六

至女家門外主人出迎壻執雁從入主人東階上西
面壻西階上北面奠雁再拜主人不答拜姆加女景
蓋首出壻揖之降主人不降送姆導女升輿女家亦
以二燭前輿壻乘馬先俟於門婦至降輿壻導婦入
室踰闥媵布壻席於東御布婦席於西壻婦交拜訖
姆脫婦景壻揖婦卽席壻東婦西坐行合卺禮厥明
婦夙興俟見舅位堂東姑位堂西皆南向婦以贄見
於舅姑再拜舅姑受贄婦具酒饌行盥饋禮舅姑就
位婦拜饌舅姑卒食一醕婦再拜送酒舅姑卒飲共
饗婦於阼階及饗婦送酒均與官員禮同三日婦見

祖禰於寢陳設如薦儀主人在東昏者從主婦在西
婦從參神再拜主人升詣香案前上香奠酒告畢俯
伏興退位於東婦進當中闌再拜興復位主人復位
及主婦以下皆再拜興禮畢退見祖禰之明日壻以
贄見婦之父母迎入奠贄再拜主人答拜見主婦壻
拜於寢門外主婦答拜於門內出主人體壻皆如儀
庶人昏禮

庶人昏禮納采誼日書昏者生年月日以授媒氏奉
如女家女氏主人受書告於寢書女爲誰氏出及生
年月日授媒氏道遠具饌近則否媒氏復命主人禮
典禮輯要 卷六 昏 七

之納幣備禮物服一稱用帛無章布五兩容飾六事
或四事食品四器媒氏奉如女家女氏主人受之饗
媒氏復命如納采禮昏有期備齋書昏期於東使媒
氏奉如女家告女氏主人許使媒氏復昏前一日女
家使人以奩具陳於壻室至自壻家筵於室中東西
爲位別以案陳合悉器設醮爵於廳事東序初昏壻
盛服飾於階下壻馬一乘二燭前馬婦輿一乘簠蓋
無飾埃於門外主人盛服至廳事東位西面壻升主
人醮之命之迎壻再拜出乘馬如女家雁及婦輿從
其日女家告於寢醮女以俎壻既至主人出迎於門

喪

官員喪禮

凡公侯伯視一品子男各視其等

有疾居正寢

女居內寢

疾革遺疏

三品以上官得具遺書

遺言皆書

之既終子號哭躃踊去冠被髮徒跣諸婦女去笄基

功以下丈夫素冠婦人去首飾皆易素服男哭牀東

女哭牀西異向作魂帛

結白絹為之

為位於尸東前設案

奠酒餘

生前食飲所餘

脯醢酒果用吉器立喪主

以適長子無則長孫

重主婦

以上者之妻無妻及母之喪則以喪主之妻當之

護喪司賓司書贊

典禮備要

卷七

喪

祝諸執事人治棺及凡喪具護喪者使人上遺疏訃

於有司及親屬僚友

右初終

越日小殮侍者於寢室施幃設浴牀於尸牀前牀東

置案陳沐浴巾櫛合具三品以上合用小珠玉五七

品以上用金玉屑五襲牀在浴牀西襲事陳其旁常

服一稱朝衣冠戴各以其等侍者遷尸浴牀南首諸

子哭踊婦人出

女喪則男出

乃去尸衣覆以殮衾侍者奉

湯入哭止沐髮櫛之晞以巾束之抗衾而浴拭以巾

訖結襲衣縱置於牀南領舉尸易牀徹浴牀浴具埋

巾櫛及餘水於屏處乃去衾襲常服朝服加面巾喪
主以下爲位而哭喪主及諸子坐於牀東奠北同姓
丈夫以服爲序坐諸子後西面室婦及諸婦女子坐
於牀西同姓婦女以服爲序坐諸婦後婢妾又在其
後東面均南上尊行丈夫坐東北壁下西上尊行婦
女坐西北壁下東上異姓丈夫坐於帷外之東西上
異姓婦女坐於帷外之西東上若內喪則同姓丈夫
皆坐帷外之東異姓丈夫皆坐帷外之西執事者執
含具前喪主起盥親含尸訖哭復位

右襲

典禮備要

卷七 喪

二

是日執事者帷堂如寢陳殮牀於堂東加殮衣三品
以上五稱複三禪二五品以上三稱複二禪一六品
以下二稱複一禪一皆以繒複衾一二品以上色絳
四品以上色緇五品色青六品色紺七品色灰紵綾
皆素帛既辨乃遷尸牀於堂中行殮事畢喪主暨諸
子括髮加首經腰經皆以麻婦麻髮餘同

右小殮

三日大殮執事者以棺入承以兩椹棺內奠七星版
藉茵褥施綿衾垂其裔於四外屆時奉尸入棺實生
時所落齒髮卷衣以塞空處令充實平滿喪主以下

憑棺哭踊盡哀乃蓋棺加錠施漆三品以上比葬每
月三黍五品以上月再黍七品以上月一黍徹殮牀
遷柩其處柩東設靈牀施幃帳枕衾衣冠帶屨之屬
設類盆帨巾於靈牀側皆如生時柩前設靈座奉魂
帛几筵供器具以絳帛爲銘旌三品以上長九尺五
品以上八尺七品以上七尺題曰某官某公

內喪書某封某

氏之柩懸於竹杠依靈右執事者陳饌案食品用素

器啟帷行殮奠禮內外就位如寢司祝焚香奠酒喪

主以下哭盡哀畢下帷

每奠皆同

及夜奉魂帛復牀諸子次於中門之外寢苦枕塊不脫經帶諸婦女次於中

典禮備要

卷七 喪

三

門之內帷幔枕衾皆布素哀至則哭晝夜無時

右大殮

是日成服五服各以親疎爲等斬衰三年子爲父母

爲繼母慈母

妻子無母父命他妾養之者

養母

自幼出繼與人者子之妻

同庶子爲嫡母所生母庶子之妻同爲人後者爲所

後父母爲人後者之妻同女在室及已嫁被出而反

在室者爲父母嫡孫承重爲祖父母

若祖父俱亡爲高曾祖後者同

承重者之妻同妻爲夫妾爲家長服生麻布旁及下

際不緝麻冠經菅屨竹杖婦人麻屨不杖餘同齊衰

杖期嫡子衆子爲庶母

謂父妾有子者

嫡子衆子之妻同子

為嫁母親生母父卒而改嫁者出母親生母為父所出者嫡孫祖在為祖

母承重夫為妻服熟麻布旁及下際緝之麻冠經草

履桐杖父母在夫為妻不杖婦人麻屨餘同齊衰不杖期為父

卒繼母改嫁而已從之者為改嫁繼母為同居繼父

兩無大功以上親者為伯叔父母及姑在室者為兄

弟及姊妹在室者為兄弟之子及女在室者祖為嫡

孫父母為嫡長子眾子及嫡長子之妻為女在室者

為子之為人後者繼母為長子眾子孫為祖父母孫女

在室出嫁同女出嫁為父母為人後者為本生父母

女在室及雖適人而無夫與子者為其兄弟姊妹及

典禮備要 卷七 喪

兄弟之子與兄弟之女在室者女適人為兄弟之為

父後者婦為夫兄弟之子及女在室者妾為家長之

父母家長之妻家長之長子眾子與其所生子冠經

屨同上齊衰五月孫及女孫為曾祖父母服熟桐麻

布冠經如其服草屨婦人麻屨齊衰三月為繼父先

同居後不同居者為同居繼父兩有大功以上親者

孫及女孫為高祖父母冠經屨同上大功九月為從

兄弟及姊妹在室者為姑及姊妹已嫁者為人後者

為其兄弟及姑姊妹在室者為兄弟之子為人後者

祖為眾孫及孫女在室者祖母為嫡孫眾孫父母為

衆子婦及女已嫁者伯叔父母爲衆子婦及兄弟之
女已嫁者婦爲夫祖父母本生父母伯叔父母女出
嫁爲本宗伯叔父母本宗兄弟及兄弟之子本宗姑
姊妹及兄弟之女在室者服麤白布冠經如其服爾
布緣屨小功五月爲伯叔祖父母爲從伯叔父母及
從姊妹已嫁者爲再從兄弟及姊妹在室者爲從兄
弟之子及女在室者爲祖之姊妹在室者爲父從姊
妹在室者爲兄弟之妻爲兄弟之孫爲兄弟之孫女
在室者爲外祖父母爲母之兄弟及母之姊妹爲姊
妹之子祖爲嫡孫之婦爲人後者爲其姑及姊妹之
已嫁者婦爲夫兄弟之孫及孫女在室者爲夫之姑
姊妹兄弟及兄弟之妻爲夫從兄弟之子及女在室
者女出嫁爲本宗從兄弟及從姊妹之在室者服稍
細白布冠經如其服屨同上總麻三月爲乳母爲曾
祖兄弟及曾祖兄弟之妻爲祖從兄弟及祖從兄弟
之妻爲父再從兄弟及父再從兄弟之妻爲三從兄
弟及姊妹在室者爲曾祖之姊妹在室者爲祖之從
姊妹在室者爲父之再從姊妹在室者爲兄弟之曾
孫及曾孫女之在室者爲兄弟之孫女已嫁者爲從
兄弟之孫及孫女在室者爲再從兄弟之子及女在

室者爲祖之姊妹父之從姊妹及已之再從姊妹已

嫁者爲從兄弟之女已嫁者爲父姊妹之子爲母兄

弟姊妹之子爲妻之父母爲女之夫女之子若女爲

兄弟孫之妻爲從兄弟子之妻爲從兄弟之妻祖爲

衆孫婦祖母爲適孫衆孫婦曾祖父母爲曾孫高祖

父母爲元孫婦爲夫高曾祖父母爲夫之伯叔祖父

母及夫祖姑在室者爲夫之從伯叔父母及夫從姑

在室者爲夫之從兄弟姊妹在室出嫁同及從兄弟之妻

爲夫再從兄弟之子及女在室者爲夫從兄弟之女

已嫁者爲夫從兄弟子之妻從兄弟之孫及孫女在

典禮備要

卷七

喪

六

室者爲夫兄弟孫之妻兄弟之孫女已嫁者爲夫兄

弟之曾孫及曾孫女之在室者女出嫁爲本宗伯叔

祖父母及祖姑之在室者爲本宗從伯叔父母及從姑

在室者爲本宗從兄弟之子及女在室者服細白布

經帶如其服素屨無飾凡喪三年者百日薙髮在喪

不飲酒不食肉不處內不入公門不與吉事期之喪

二月薙髮在喪不昏嫁九月五月者踰月薙髮三月

者踰旬薙髮在喪均不與燕樂

右成服

大殮翼日喪主以下夙興侍者設頽水櫛具於靈牀

側五服之人各服其服就位侍者收頽櫛具奉魂帛
出就靈座朝奠衆哭執事者設果蔬酒饌如生時祝
焚香斟酒點茶喪主以下詣案前再拜哭盡哀各以
其服爲序皆男先女後宗親先外姻後復位哭止日
中設果筵奠酒及夕又奠均如朝奠儀侍者詣靈牀
舒衾枕奉魂帛於牀上退諸子婦哭盡哀乃止夕奠
皆如之朔望則殷奠具盛饌於朝奠行之遇新物則
薦如朝奠儀

右朝夕奠

親賓聞訃告弔於喪主之家未殮至者入門易素服

典禮備要

卷七 喪

七

司賓待於廳事以贈賻儀物授司書入臨尸哭盡哀
遂弔喪主持哭喪主以下哭稽顙無辭賓出司賓送
成服以後至者各以其服弔具酒果香燭厚則加貲
財皆書於狀先使從者持狀通名司書籍記之以禮
物入陳靈前喪主以下就位哭司賓出迎賓入詣靈
座前舉哀哀止跪焚香酌酒再拜興喪主出帷稽顙
哭謝賓答拜慰唁出喪主哭入司賓延客待茶賓退
司賓送於門外

右親賓弔奠賻

若一二品官奉

特恩遣官致奠其日喪家設使者奠位於靈前喪主及諸子跪位於靈右主婦跪位於帷內使者素服至喪主率諸子免經去杖止哭出迎於大門外道右先入就位跪俯伏贊者引使者升中階就位上香執事者酌茶使者立受茶奠茶復授酒使者奠爵三訖少退喪主率諸子降西階下北面三跪九叩謝恩仍至大門外俟使者出跪送乃還苦次若賜諡及

恩卹遣官致祭者其日喪家設讀祝位於靈几之左餘如前位執事者豫陳祭物齋

典禮備要

卷七 喪

八

諭祭文從使者至喪主出迎入就位跪俯伏使者就位上香司祝就讀祝位立讀祭文訖復於案退使者奠爵三畢少退喪主以下向

闕謝

恩送使者與遣官致奠儀同

右遣官祭奠

品官卒於位與在任遭父母喪者初喪成服朝夕奠

皆如前儀擇日扶柩還家

卒於京者兵部給郵符夫馬

備行舉儀

從各視其品告啟期於親戚僚友啟行前一日行啟

奠禮喪主以下就位哭祝詣靈前跪告曰今擇某日

奉靈柩還故鄉敬告俯伏興喪主以下稽顙哭再拜
興復位盡哀止厥明遷奠告遷於柩前禮節亦如之
徹視納魂帛於櫛役人舉輦入遷柩就輦主人以下
輟哭視載出大門加幃蓋發引儀從在前銘旌魂帛
從喪主以下杖哭隨柩及郊親戚僚友祖者向柩設
祖奠役人停輦賓向柩再拜主人稽顙哭謝賓退歛
儀從遂行主人乘素車途次止宿奉魂帛銘旌於靈
柩前

凡柩暫
停同

水行則設奠陸行則上食及朝啟行亦

如之至家前一日遣僕戒家人豫於十里外布幕具
奠以待至日五服之人各服其服以迎柩至暫駐幕
內設奠祝焚香斟酒跪告白靈輻遠歸將至家親屬
來迎敢告俯伏興衆序哭再拜興柩行咸徒步哭從
至家安靈牀於殯所男女各就位哭設奠祝焚香斟
酒跪告曰靈輻遠歸至家敢告俯伏興衆拜哭如初
受弔朝夕設奠並如前儀

右扶喪

官員在外聞喪三年者訃至哭對使者問故又哭盡
哀易服如初喪儀訃於有司遂奔喪戴星而行見星
而止途中哀至則哭哭辟市邑將至家望其境其城
其鄉皆哭自家哭入門升自西階憑棺西面哭踞如

入東門哭踊無算少頃尊卑相向哭細問病終之故
復哭乃披髮徒跣婦人不徒跣翼日成服括髮婦人
鬢皆加麻經喪期以聞訃日始餘如在家之儀期以
下聞訃者易服爲位而哭若奔喪則至家成服若官
員在職非本生父母喪雖期猶從政不奔喪聞訃易
素服爲位而哭各持其服於私家入公門治事仍常
服期喪者一年不與祭祀之事服滿日於私家爲位
哭除之

右聞喪奔喪

三月而葬營葬地及葬具凡墳塋一品九十步五尺爲步

典禮備考

卷七

十

二品八十步封皆丈有四尺三品七十步封丈有二

尺石獸皆六四品六十步五品五十步封皆八尺石

獸四六品七品四十步封皆六尺墓門勒石書某官

某公之墓婦人則書某封某氏若合葬則並書之五品以上用碑龜趺

螭首六品七品用碣方趺圓首刻壙誌用石二一書

如碑碣一詳記姓諱諡字無論則止書字州邑里居服官遷

次及其生卒年月日時葬處坐向所遺子女石字內

向以鐵合而束之作神主及主櫃製柩輦下爲方牀

上編竹格爲蓋四出檐垂流蘇繪荒繪帷五品以上

畫雲氣爲飾六品七品素繪無飾五品以上障蓋畫

娶四六品五品畫娶二皆引布二功布一靈車埏土
爲明器鑪餅燭粢五事儀從各從其品

右治喪具

擇日開兆喪主率諸子適兆所以宗親或姻賓一人
告於土神報事者設案兆左陳酒饌置祝文告諸吉
服至盥詣案前立執事者二人奉香執壺踐隨立左
右告者跪上香再拜酌酒如儀祝奉祝文跪於告者
之左讀曰維某年月日某官某敢告於司土之神今
爲某官某營建宅兆神其保佑俾無後艱謹以清酌
庶羞祇薦於神尚饗讀畢興退告者俯伏興復再拜
退遂開壙隨地所宜使子弟幹事者一人留視之喪
主以下還

右開兆祀土神

典禮備要

卷七 喪

十一

葬有日豫以啟期告於親戚僚友發引前一日厥明
五服之人各服其服入就位哭朝奠訖祝跪告於殯
前曰今以吉辰遷柩敢告俯伏興喪主以下哭盡哀
再拜役人徹布遷柩障以纓侍者移靈牀於堂正中
靈座几筵仍設祝奉魂帛前柩喪主以下哭從及外
堂布席置柩祝奉魂帛跪告曰請朝祖俯伏興執事
者布席於廟兩楹間祝奉魂帛詣廟喪主以下哭從

及門止哭入序立階下祝奉魂帛置席北正中再拜
興奉魂帛遷靈座喪主以下從出廟門哭從如初

右遷柩朝祖

日夕祖奠設饌如朝奠儀喪主以下舉哀祝盥詣靈
座前喪主以下止哀祝焚香奠酒畢告曰永遷之禮
靈辰不留今奉靈車式遵祖道俯伏興喪主以下再
拜哭盡哀親賓致奠行禮如成服致奠儀賓出喪主
以下代哭如在殯時

右祖奠

厥明五服之人會葬者畢會執事者陳明器吉凶儀

典禮備要

卷七

喪

七

從於大門外納靈車於門內之右役人舉輦入設於
堂上喪主以下哭踊乃載喪主輟哭視載周圍以緇
令平正牢實執事者設奠於庭如祖奠儀視跪告曰
靈輻旣駕往卽幽宅載陳遺禮永訣終天俯伏興徹
役人昇輦祝奉魂帛就靈車奉主櫝設魂帛後柩出
大門施幃蓋屬引遂發前儀從次明器次銘旌次靈
車次功布次輦外親乃挽引布在前喪主以下經杖
衰服男在柩旁步從女在柩後輿從哭不絕聲尊行
者皆乘車馬出城門若里門親賓不至墓者於前途
立向柩再拜役人權停輦乘者皆下喪主哭謝賓退

柩行如初若墓遠主人以下皆乘素車從望塋而下道中哀至則哭每宿設靈座置奠如在殯儀次日啟柩亦如之

右遣奠發引

葬之日執事者豫張靈幃於墓道右中置几一設籥柩薦於壙外鋪陳壙中之事設婦人行幃於羨道之右靈車至幄外止祝奉魂帛置几上奉主槨置魂帛側設奠如儀柩車至壙前役人脫載去幃蓋方牀下於藉席祝取銘旌去杠縱加柩上喪主以下憑棺哭踊盡哀親賓送者再拜辭歸喪主及諸子稽顙謝

典禮備要

卷七 喪

三

賓退屆時將窆內外五服之親以次再拜辭訣丈夫哭羨道東婦人哭羨道西躡踊無算遂窆喪主輟哭臨親執事者整銘旌藏誌石設明器掩壙復土喪主以下哭盡哀退就靈幄序立

右窆

是日祀土神於墓左如開兆祭儀

惟祝辭營建宅擇兆改爲窆兆

宗親善書者一人題主執事者設題主案於靈座東

南西向筆墨具對案設盥二

一祝盥一題主者盥

喪主以下序

哭於靈座側祝盥啟槨出木版臥置案上題主者盥

就位書某封諡某官顯考某公

母則稱顯妣某氏

神位訖祝

奉木主置靈案上焚香奠酒喪主以下再拜祝跪讀告詞於靈座之右曰哀子某謹告於先考某公封諡府君母則稱先妣某封氏形歸窀穸神返堂室神主既成伏惟精靈舍舊從新是憑是依讀畢興復於案喪主以下哭再拜盡哀祝焚告詞奉魂帛埋墓側奉主納櫨置靈車而還在途不驅喪主以下哭從如來儀

右祀土神題主

靈車至家喪主以下哭從入大門及庭止祝奉木主出車竝櫨奉之設几上南向喪主及諸子在寢東西向親屬以服輕重爲序在諸子後婦人哭於房中有

典禮備要

卷七 喪

古

弔者如在殯儀乃修虞事執事者具牲饌品數各視其等陳設如祭禮見吉禮官員家祭祝啟櫨陳主於靈座主

人以下就位哭哭止贊參神主人盥洗詣香案前跪

執事者二人一奉香盤一挹尊酌酒詣主人左右跪

左進香主人三上香右進爵主人酌酒於地以爵奠

於案退復拜位及諸子親屬行一跪三叩禮贊初獻

主婦率諸婦出於房薦七箸醢醬於几前案北跪一

叩興退入於房庖人解牲醴實於俎執事者奉以升

薦於俱案執爵者奉爵主人獻爵於正中跪叩興復

拜位立贊讀祝主人以下跪祝詣祝案之左跪讀文

曰維某年月日朔孤子某敢告於先考某官

姓則稱先妣某

封某日月不居奄及初虞夙興夜處哀慕不甯謹以

潔牲庶羞粢盛醴齊哀薦虞事尚饗讀畢興復於案

退主人哭一叩興贊亞獻主婦率諸婦和羹實於鉶

實飯於敦出薦於案及腊肉炙載叩興退如初主人

獻爵於左贊三獻主婦率諸婦出於房薦餅餌果蔬

叩退主人獻爵於右如初獻儀贊送神主人以下一

跪三叩興哭祝焚祝文主人奉神主納櫝徹哭止至

夕奉神主於靈牀朝奉諸靈座朝夕朔望奠如初遇

柔日再虞遇剛日三虞如初虞禮

祝文易初虞為再虞三虞餘同

典禮備要

卷七 喪

右反哭虞

百日卒哭儀同虞祭

祝文改虞事為成事

卒哭之明日夙興執

事者詣廟具饌陳設如常祭禮設亡者案於祖考神

案東南西向祝啟室奉四世神主以次設於几如時

薦之位主人率眾先哭於几筵前奉亡者之祖詣廟

諸子以下哭從及廟門止哭主人陳主於東南案上

序立階下焚香進饌祝讀告詞曰維某年月日孝曾

孫某謹以潔牲庶羞粢盛醴齊適於顯曾祖考某官

府君躋祔孫某官府君某尚饗次讀祝於亡者位前

曰孝子某謹以潔牲庶羞粢盛醴齊哀薦附事於顯

考某官府君

婦姓稱如某封氏

適於顯曾祖考某官府君尙

饗餘行禮儀節與常祭同畢祝焚告文奉神主復於室徹主人奉亡者之主復寢諸子以下從出廟門哭

隨至几筵前納於橫訖哭止衆退護喪者代喪主爲書使人徧謝親賓弔賻者

右卒哭禔

期而小祥於忌日行事質明祝啟楨出主諸子及期

親就內外位哭盡哀焚香進饌酒讀祝辭同卒哭惟改卒哭日小

祥成事行禮與卒哭同

右小祥

典禮備要

卷七 喪

六

再期大祥忌日行事先一日告遷於廟執事者具果

酒如常儀設案於東序西序前各一主人盥詣廟啟

橫陳諸神主焚香進果酒如常告儀祝讀告辭曰維

某年月日孝孫某謹告於某官府君某封某氏四代備書

茲以先考某官府君大祥已屆禮當遷祖入廟某官

某府君某封某氏神主親盡當祧某官某府君某封

某氏以下神王宜改題世次遞遷不勝感愴謹以果

酒用申虔告尙饗讀畢焚祝主人以下俯伏興再拜

奉各神主臥置東案上子弟善書者以人改題高曾

祖神主訖以紙裹應祧神主陳於西序案奉改題主

遞遷於室虛左一位以茲闔室眾退厥明諸子諸婦

女子致祭於几筵前陳設行禮如初期儀惟祝辭改小祥曰大

前常事諸子從喪主奉亡者之主詣廟設於東室再

拜奉祧主藏於夾室闔門出乃徹寢室靈牀靈座罷

朝夕奠徹几筵斷杖棄之屏處

右大祥

中月而禫二十七月既周之日行事屆日夙興執事

者設几案於寢堂之中主人率諸子廟詣考位前啟

室焚香再拜跪告曰孝子某將祇薦禫事敢請神主

出就正寢俯伏興奉主至寢堂陳於案執事者陳饌

典禮備要

卷七 喪

饌案於前喪主及諸子於東壁下就位舉哀婦人哀

於房中焚香進果饌酒醴如常儀祝讀告辭曰維某

年月日孝子某謹告於顯考某官府君神主禫制有

期追遠無及謹以清酌庶羞祇薦禫事尙饗主人以

下俯伏興再拜祝焚告文訖奉主復於廟闔室皆退

諸子素服終月始服常服

右禫

歲逢忌日前期齋厥明主人及子弟素服詣廟設案

於所薦神主室前主人盥啟室奉主就案焚香薦蔬

果酒饌告曰茲以某官某府君遵諱之辰妣稱某謹

備庶羞清酌泰伸追慕俯伏興及子弟皆再拜如時節薦新之儀禮畢徹納主闔室退

右忌日奠

歲寒食或霜降節拜掃墳塋其日主人夙興率子弟素服詣墳塋執事者具酒饌僕人備芟翦草木之器從既至主人周視封樹僕人翦除荆草訖以次序立墓前焚香供酒饌再拜在列者皆再拜興遂祭土神陳饌墓左上香酌酒主人以下序立再拜退

右拜掃

士喪禮

典禮備要

卷七 喪

六

疾革書遺言既終子號哭躡踊去冠被髮徒跣諸婦女子去笄朞功以下丈夫素冠婦人去首飾皆素服立喪主主婦護喪贊祝諸執事人治棺及凡喪具護喪者使人訃於有司及親友執事者帷寢設沐牀於尸牀前襲牀在浴牀西東陳沐浴巾櫛含具含用金銀屑三襲事陳其旁常服一稱冠及禮服各以其等帶鞞皆備侍者遷尸浴牀南首諸子哭踊婦人出則男迺去尸衣覆以殮衾侍者奉湯及巾櫛入沐浴

喪主及諸子止哭視執事者結襲衣縱置於牀南領舉尸易牀徹浴牀浴器具埋巾櫛及餘水於屏處迺去

衾製常服禮服加面巾卽牀前爲位立魂帛設奠陳

生前所食脯醢酒果用吉器喪主以下爲位序哭如

禮位詳見官員喪儀後同

執事者奉含具前喪主啟盥含尸訖

哭復位越日小殮執事者帷堂陳殮牀於堂東加殮

衣複一禪一複禪一紵絞皆備殮畢遷尸於堂喪主

及諸子麻括髮加首經腰經皆以麻婦麻髻餘同三

日大殮執事者以棺入陳以南甕棺內奠七星版藉

茵褥施綿衾垂其裔於四外屆時奉尸入棺實生時

所落齒髮卷衣以塞空處喪主以下憑棺哭踊盡哀

乃蓋棺加錠施漆比葬月再漆徹殮牀遷柩其處柩

曲禮備要

卷七

喪

九

東設靈牀施幃帳枕衾衣冠帶履之屬設頽盆帨巾

皆如生時柩前設靈座奉魂帛几筵俱器具以絳帛

爲銘旌長五尺題曰某官封

未仕則否

顯考某府君之柩

婦則書顯妣某氏

依靈座之右設殮奠內外序哭如儀及夜

奉魂帛復牀諸子次於中門之外寢苦枕塊不脫經

帶諸婦女子次中門之內帷幔枕衾皆布素哀至則

哭晝夜無時

右初終襲殮

是日成服輕重以親疎爲等

詳見官員喪禮

厥明喪主以下

夙興侍者設頽水櫛具於靈牀側五服之人各服其

服就位侍者收頹櫛具奉魂帛出就靈座設奠焚香
斟酒點茶喪主以下哭叩盡哀及夕如朝奠禮侍者
詣靈牀舒枕衾奉魂帛於牀上眾哭盡哀迺止夕奠
皆同朔望則具殷饌於朝奠行之親賓弔如禮見官員
喪禮

右成服朝夕奠

士卒於其職

八品九品
官以下同

或在職遭喪者扶柩還家聞

喪奔喪皆如品官之禮

右喪奔喪

三月而葬營葬地及葬具墳塋周三十步封高六尺

墓門石碣員首方趺勒曰某官某之墓無官則書庶

典禮備要

卷七

喪

三

士某之墓

婦則稱某封氏無
封則稱某氏

刻塋誌

式見官
員喪儀

作神主

及槨製柩輦下爲方牀上編竹格爲蓋四出檐垂流

蘇絹荒絹帷無翼引布二靈車一明器鑪槩皆具開

兆喪主率諸子適兆所以親賓一人告土神執事者

陳酒饌於兆左告者吉服盥就位上香酌酒讀祝

祝詞

均見官員
喪儀下同

行禮如儀遂開壙使子弟一人留視之喪

主以下還葬有期豫以啟期告於戚友發引前一日

厥明五服之人各服其服入就位朝奠訖告遷柩於

殯前喪主以下再拜哭盡哀役人入遷柩祝奉魂帛

前喪主以下哭從及外堂仍設座於柩前奉魂帛辭

於祖禩復靈座從哭如初及夕祖奠如朝奠儀喪主
以下再拜哭盡哀親賓致奠行禮如成服致奠儀賓
出喪主以下代哭如初質明五服之人會葬者畢會
執事者陳明器於大門外納靈車於門內之右役人
舉輦入設於廳事正中喪主以下哭踊迺載喪主輟
哭視載牢實載訖設遣奠如祖奠儀役人舁輦祝奉
魂帛就靈車奉木版櫛設魂帛後柩出大門施幃蓋
屬引遂發前明器次銘旌次靈輦從外親分執引布
在前喪主以下經杖衰服男在柩旁步從女在柩後

輿從哭不絕聲出城門若里門親賓不至墓者於前

途立向柩再拜役人暫停輦喪主哭謝賓退柩行如
初及墓執事者豫張靈帷於墓右置靈座筵設題主

案於右設藉柩席薦於壙前鋪陳壙中之事設婦女

行帷於羨道之右靈車至帷外止祝奉魂帛於几上

奉主櫛置魂帛側柩車至脫載去帷蓋方牀下於藉

席祝取銘旌縱加柩上喪主及諸子憑棺哭婦女哭

羨道西屆時男女以次哭叩辭訣親賓送者再拜辭

歸喪主及諸子哭謝遂窆喪主輟哭視執事者整銘

旌藏誌石明器復土喪主以下哭盡哀執事者陳饌

於墓左致祭土神如開兆祭儀喪主以下退就靈帷

之左序立祝盥復魂帛於廂啟櫛出木版卧置案上
宗親善書者一人盥就位題主訖祝奉木主於几上
設奠焚香奠酒讀告辭喪主以下哭叩盡哀祝焚告
辭奉魂帛埋於墓側奉主納櫛置靈車而返在途不
驅喪主以下哭從如來儀

右啟殯至葬

靈車至家喪主以下哭從入門祝奉木主設几上諸
子在寢東服親序在諸子後婦女哭於房中有弔者
如在殯儀迺修虞事執事者具饌品數各以其等主
人以下就位哭主婦薦羹飯主人獻爵讀祝行禮如

時薦儀畢主人奉主納櫛徹哭止衆退百日卒哭儀
同虞祭厥明執事者具饌於寢室如常薦禮設亡者
案於祖考神案東南啟室陳神主主人率衆先哭於
几筵前奉亡者之主如寢諸子以下哭從及寢門止
哭陳主於東南案上衆序立焚香進饌讀告辭行禮
如常薦儀祝焚告文奉神主復室徹主人奉亡者之
主復寢哭隨至几筵前納櫛訖哭止衆退

右反哭至柩

期而小祥於忌日行事厥明喪主以下及期親就內
外位哭盡哀焚香進饌酒讀祝行禮儀如卒哭同冉

期而大祥先忌一日設案於寢堂東西各一主人率諸子詣寢堂啟室以遞遷改題之事告於祖陳設讀祝行禮如時薦儀廼以紙裹應祧神主陳於西案奉曾祖以下神主卧置東案使子弟善書者一人改題訖復於室遞遷其位虛室中下級以俟闔門出質明主人以下就几筵前序哭陳設行禮如初期儀主人奉亡者之主躋於寢室再拜闔門徹靈牀靈座罷朝夕奠徹几筵斷杖棄之屏處奉祧主於墓祭而埋於例如儀二十七月既周設几筵於廳事正中主人以下如寢堂啟室奉新祧神主陳於廳事几上祇薦禫事主人及諸子位東壁下舉哀婦女哀於房中焚香薦果饌酒醴讀祝如儀畢奉主復於寢室闔門退諸子素服終月始服常服

右祥禫

歲逢忌日前期齋厥明主人及子弟素服如寢堂啟室出專薦之主於案焚香薦酒饌讀祝行禮如時節薦新之儀禮畢徹納主闔室退

右忌日奠

歲寒食節或霜降節日主人夙興率子弟素服具酒饌詣墓拜掃既至芟除荆草設饌於墓前主人以下

序立焚香再拜典別陳饌於墓左祀土神行禮如儀
右拜掃

庶人喪禮

疾革書遺言既終子號哭躡踊去冠被髮徒跣諸婦
女子去笄素服期功以下丈夫去冠婦人去飾男東
女西異向環牀哭立喪主主婦使子弟護喪事治襲
殮之具訃於親友踰時子弟奉湯及巾櫛入婦女出
婦喪則浴沐喪主及諸子止哭周視徹巾櫛及餘水
埋之設襲牀於尸牀前陳衣冠帶舄遷尸於牀襲喪
主以下哭踊卽牀前爲位立魂帛設奠陳生前所食

典禮備要

卷七 喪

五

酒饌內外序哭如禮喪主起盥含尸以銀屑三既襲
帷堂設殮牀於堂東加殮衣複衾一皆以絹紵絞皆
備殮畢遷尸於堂執事者以棺入棺內奠七星版藉
褥施綿衾垂其裔於四外屆時奉尸入棺實生時所
落齒髮以衣實其空處喪主以下憑棺哭踊盡哀迺
蓋棺加錠施漆比葬一黍徹殮牀遷柩其處柩東設
靈牀施枕衾衣被之屬設額盆帨巾如生時柩前設
靈座奉魂帛几筵供器具設奠內外序哭如儀及夜
奉魂帛於牀諸子居柩側寢苫枕塊不脫經帶諸婦
女子易常次帷幔枕席用布素哀至則哭晝夜無時

右初終襲殮

是日成服

服制

厥明五服之人各服其服就位于第

設類水脫巾於靈牀側欵枕衾奉魂帛出就靈座設奠焚香斟酒點茶喪主以下哭叩盡哀及夕設奠亦如之舒枕衾復魂帛於牀徹類具眾哭盡哀廼止以至於虞朝夕同親賓弔奠如禮若在外聞訃者奔喪成服均如士喪之禮

右成服朝夕奠

踰月而葬營葬地及葬具墳塋周八十步封四尺有誌無碣擇吉開壙祀土神作神主備靈車一柩舉一

典禮備要

卷七

喪

三五

別製布衾衣柩不施帷蓋發引前一日喪主以下就

位哭朝奠訖奉魂帛辭於祖禰還靈座晡時設祖奠

以承遷告喪主以下再拜哭盡哀厥明五服之人畢

會納靈車於大門內之右納柩輦於廳事內外各就

位哭徹幃遷靈座役人舉柩就載衣以大衾喪主以

下哭視載訖設奠柩前如祖奠禮奉魂帛就靈車置

主櫬於後廼發引男女以次哭從及墓執事者豫設

藉席於壙前設靈座於墓道之右設奠案於座前設

題主案於奠案右靈車至奉魂帛於座柩至脫載下

於藉席喪主以下憑棺哭婦女哭墓右屆時男女以

次哭叩辭訣諸親會葬者均以次哭叩辭歸喪主及諸子哭謝廼窆納柩於壙下誌石復土祀土神如儀喪主以下退就靈座之側序立子弟啟槨奉木版卧置案上宗親善書者一人題主訖子弟奉置靈座納魂帛於廂設奠讀告辭畢喪主以下哭叩盡哀祝焚告辭奉魂帛埋於墓側奉主納槨遂行喪主以下哭從如來儀

右啟殯至葬

靈車至家子弟豫設几筵於殯寢故處奉木主陳之喪主以下序哭如士喪反哭之位廼虞饌品器數視禮備要

卷七 喪

薦禮主人以下就位哭主薦羹飯主人薦酒饌讀祝行禮如時薦儀畢主人奉神約殯徹哀止衆退百日卒哭設奠行禮儀同虞祭厥明喪主以下夙興哭於几筵前奉主詣寢陳於祖考神室東南以祔告啟室陳設行禮如時薦儀畢仍奉主復於几筵納槨退右反哭虞納奠

期而小祥於忌日行事厥明喪主以下及期親就內外位設奠哭叩如卒哭儀再期大祥先一日詣寢以改題告遷於祖考如士喪告遷之儀屆日夙興喪主以下就几筵前序哭設奠行禮儀同初暮主人奉亡

者之主躋祔於祖再拜闔門出徹靈牀靈座几筵罷
朝夕奠斷杖棄之屏處奉祧主埋於墓側如庶士儀
二十七月既周設几案於廳事奉新祔神主陳士喪
主以下就內外位哭奠行禮如常薦儀禮畢復主於
寢闔門退諸子素服終月始服常服

右祥禫

忌日主人具饌羞羹飯夙興及子弟素服啟寢室出
專薦之主於案焚香薦酒饌行禮如常薦儀畢納主
闔室退

忌日奠

禮備要

卷七

喪

二十七

歲寒食或霜降節具饌主人率子弟素服拜掃墳墓
既至芟除荆草訖設饌於墓前主人以下焚香再拜
興陳饌於墓左祀土神行禮如儀

右拜掃

一歲者皆以版按行輩墨書男統於東女統於西東西向歲以春夏秋冬仲月擇吉致祭戒子弟讀祝一人贊禮一人執爵每案二人分薦拊位東西各一人凡在廟所出子孫年及冠以上者皆會行禮

右廟制祭期

先祭三日主人及在事者咸致齋前一日主人率子弟盛服入廟視潔除拂拭畢執事者於各室前設几几前供案堂南總香案一鑪槃具拊位東西各統設一案設祝案於香案之西設奠於東序設盥槃於東階上視割牲一品至三品官羊一豕四品至七品特

牲禮備要

卷八 祭

二

豕八品以下豚肩不特殺視滌祭器三品以上每案組二鉶二敦二邊六豆六七品以上邊四豆四八品以下邊二豆二皆組一鉶敦數同代以時用槃椀者聽辦祭器之實組實牲醴鉶實羹敦實飯邊實時果餅餌魚腊獸腊之屬豆實炙載時蔬之屬

右致齋具牲饌

屆日五鼓主人朝服與祭執事者盛服入廟主人俟於東階下族姓蒞庭東西以昭穆世次爲序執事者陳鑪鐙於供案南陳尊爵於東序案代以壺陳祭文於祝案實水於盥槃加巾主婦率諸婦盛服入詣鑪

所視烹飪羹定入於東房治籩豆之實陳餽敦七箸
醢醬以俟質明子弟之長者盥詣各室前跪一叩興
啟室奉主以次設於几昭位考右妣左穆位考左妣
右分薦者設東西祔位畢贊禮立堂東檐下西面諸
執事分立東西序端相向贊就位主人升日東階盥
詣中檐拜位立族姓行尊者立於東西階上卑者立
於階下皆重行北面贊參神主人入堂左門詣香前
跪執事二人司爵者充一奉香槃一挹尊酌酒詣主人左
右跪左進香主人三上香右進爵主人酌酒於地以
爵奠於案興退出右門復拜位及族姓行一跪三叩

典禮備要

卷八 祭

禮贊初獻主婦率諸婦出於房薦七箸醢醬於几前
案北跪一叩興徧及祔位退入於房庖人解牲體實
於俎執事者奉以升各薦於供案主人詣高祖考案
前執爵者奉爵主人獻爵奠於正中跪叩興以次詣
曾祖祖禰案前獻爵如前儀分薦者徧獻祔位酒訖
退立於拜位贊讀祭文主人跪族姓皆跪祝詣祝案
之左跪讀祭文曰維某年月日孝孫某謹告於某考
某官府君某妣某氏之靈曰氣序流易時維仲春秋
追感歲時不勝忝慕謹以潔牲庶品粢盛醴齊敬薦
歲時以某親某氏等酌食尚饗讀訖興以祭文復於

案退主人以下一叩興贊亞獻庖人納羹飯於東房
主婦率諸婦和羹實於銅實飯於敦出薦於案及腊
肉炙載徧跪叩興退如初禮主人獻爵於各位之左
贊三獻主婦率諸婦出於房薦餅餌果蔬叩退主人
獻爵於各位之右分薦者徧獻卣位酒均如初獻儀
贊受嘏祝取高祖供案酒饌降至香案旁主人詣香
案前跪祝代祖考致嘏於主人主人啐酒嘗食反器
於案接以興主人一叩興復位贊送神主人以下一
跪三叩贊壺燎祝取祭文由中門出送燎主人退避
東階下行輩長者咸降階主人詣燎位視燎畢與祭
者出主人率子弟納神主上香行禮徹祭器傳於燕
器潔滌謹藏之闔門各退

右祭儀

日中乃餽三品以上時祭徧舉四品至七品春秋二
舉八品九品春秋一舉庖人熟酒饌僕人布餽席於
堂東西北上陳醢醬於席四隅棧裸匙箸之屬皆並
與祭者尊卑咸在從曾祖諸父居東第一席從祖諸
父居西第二席諸父次東一席諸昆弟次西一席諸
子諸孫在東西之末各一席序定主人肅尊者入席
從尊祖諸父卽席從祖諸父東向尊者肅揖就位諸

父東向揖西向揖就位諸昆弟揖如之復揖諸父就
位諸子揖如諸父復揖諸昆弟諸孫揖如諸子復揖
諸子皆就位主人離席僕執壺實酒從主人酌諸尊
長酒每酌一人肅揖尊長答揖徧就位子弟之長者
離席僕人執壺從敬酌主人諸子弟咸避席揖主人
答揖復位主人命諸子弟徧酌酒席中少者舉壺各
酌於其長者既徧皆坐主人興舉酒請於尊長坐寫
長乃嘗酒卒爵眾嘗酒卒爵僕人進食主人興請於
尊長坐尊長舉箸嘗食乃皆食每進食子孫間行酒
三巡長幼獻酬交錯飲無算爵湯飯畢長者起主人
請留長者告飽遂離席諸子弟咸隨離席以次出主
人送長者於門外入命徹席餞庖人僕人皆盡

右餞

焚黃告祭之禮

制書至王人以黃紙恭牋一通奉於廳事正中誦吉日
擇同姓或戚屬已仕者一人宣

制戒子弟引贊二人通贊二人徧戒族姓屆期會行禮

前一日齋戒備告文祝文牲饌視新贈之爵爲等至

日夙興灑掃堂宇供張設饌案

以追贈所及世數爲準

香案

架如儀設改題神主案於堂東西向使人宿宣

典禮備要

卷八 祭

五

者主人朝服率子弟盛服入廟諸與祭者皆會主人詣贈主室前啟室焚香跪子弟一人奉告文跪於主人之左讀告文辭曰維某年月日孝子某或稱孝謹孫隨宜謹告於某考某官府君妣某封某氏之靈曰某幸得列於位恭逢

恩命

贈及先人敬請神主祇受

制書改題奉祀謹告讀訖與主人叩興奉考王子弟奉妣主及族姓出廟門竝於道左宣制者奉

制書前引二人導行至廟眾跪接

典禮備要

卷八 祭

六

制書入中門升中階南向立眾皆隨入至階下序立主人奉考主在東子弟奉妣主在西族姓重行立其後皆扎面通贊分立東西柱前贊宣

制主人以下皆跪聽宣

制畢奉主行三跪九叩禮眾隨行禮宣制官以

制書供香案架上主人奉主置改題案上揖勞宣

者宣制者答揖復揖辭降自西階主人從至廟六

門外揖送入改題神主爵位訖奉主復位序立參拜讀祝三獻酒如時祭之儀祝辭曰維某年月日孝子

某謹告於顯考某府君顯妣某氏之靈曰某恭承庭

訓列位於

朝仰荷

皇仁推恩所生贈考爲某銜妣爲某銜感念先澤祿弗逮養茲以焚黃謹備牲禮用伸薦告尙饗祭畢焚黃泣祝文奉主復於室闔室出主人以下皆退頌肝於宣制者餞族姓如儀

百焚黃告祭

禮達令節薦新物一二三品官每案時果四庶羞四羹飯具四品至七品官每案時果二庶羞四八品九品官每案時果庶羞各二餘同是日夙興主婦潔辦

禮備要

卷八 祭

七

果饌主人盛服率族姓子弟入廟然燈灑掃設案室前訖盥洗啟室子弟分陳匙箸壺琖之屬於案北主人序立於香案前族姓以次序列於主人之後主人跪焚香訖叩興子弟奉果羞從主人詣高祖考妣位前薦果薦羞畢子弟舉壺取琖酌酒進於主人主人奠酒訖子弟復奉羹飯從主人薦羹飯訖以次詣各案薦奠如前儀退至香案前率族姓子弟一跪三叩興子弟徹饌主人闔室皆退

右時節薦新

月朔望日主人豫備茶食之屬每案二器主人夙興

盥洗盛服率族姓子弟入廟灑掃潔神案啟室序位
於香案前主人跪焚香訖叩興子弟奉茶食從主人
詣各神案前以次供食供茶畢退復位率族姓子弟
行禮如時薦之儀徹主人闔室皆退

吉朔望獻茶

庶子家祭禮

庶子

貞監生員
有頂帶者

家祭之禮於寢室之北爲龕以版別

爲四室奉高曾祖禰皆以妣配位如前儀南向前設
香案總一牀親男女成人無後者按輩行書紙位附
食男東女西相向事至則陳已事焚之立版歲以

典禮備要

卷八 祭

八

春夏秋冬節日出主而薦黍盛二饗肉食果蔬之屬
四器羹二飯二前期主人及與祭者咸齋戒薦之前
夕主婦盛服治饌於房中厥明夙興主人吉服率子
弟設香案於南然燭置祭文堂北設供案二招東穆
西均以妣配位均南向設附案於兩序下各一男東
女西東西向主人以下盥奉木主設於案設附位於
兩序案訖主人東階下立衆各依行輩東西序立主
人詣香案前上香畢率在位者一跪三叩興主婦率
諸婦出房中薦匕箸醯醬跪叩如儀退子弟奉壺主
人詣神案以次斟酒薦熟訖皆就案南跪叩興子弟

薦褥位畢，主人跪在位者皆跪，祝進至香案之右，讀

祭文

辭見品官祭禮，減潔牲二字，餘同。

訖，與退，主人以下叩興，再獻

主婦薦羹飯，三獻。主婦薦餠餅時蔬，主人斟酒跪叩，均如初儀畢，主人率族姓一跪，二叩興，祝取祭文及耐食紙位焚於庭，衆出，主人納木主，徹退，日中而餞，春一舉，布席於堂東西北上，陳椅棧匙箸，如其人數，傳祭食於燕器，熱酒饌，族姓至，主人肅入序位，以行，輩年齒爲等，旅指卽席進酒饌，酬酢如禮，湯飯畢，長者離席告退，主人送於門外，諸子弟皆隨以出，徹僕人餞餘食，皆盡。月朔望日，主人及家衆夙興盥洗，啟

典禮備要

卷八 祭

九

寢室，然燭，詣香案前，依行輩序立，主人上香，訖，子弟奉茶，主人獻茶復位，率衆一跪，三叩興，徹茶盞室，衆退，若家有吉事，主人盥洗啟室，然燭焚香，以其事告行禮如朔望儀。

庶人寢薦

庶人家祭之禮，於正寢之北，爲龕，奉高曾祖禰神位，歲逢節序，薦果蔬新物，每案不過四器，羹飯具，其日夙興，主婦治饌，主人率子弟設案，然燈啟室，奉神主於案上，以昭穆序，主人立於香案前，家衆序立於主入下，以行，贊爲先後，主人上香一跪，三叩興，主婦陳

之箸醯醬薦羹飯果羞跪叩如儀主人酌酒進於各
位前凡三次皆跪一叩興畢主人率衆一跪三叩興
納玉於室徹退日中衆餽神食歲一舉論行畫先後
同行序齒列坐酒行飯已肅揖以退月朔望日供茶
然香燈行禮告事亦如之均與庶士儀同

典禮備要

卷八 祭

